

*Principium Jani sancit tropicus Capricornus.*  
*Mense Numae in medio sol distat sidere Aquar I.*  
*Procedunt duplices in Martia tempora Pisces.*  
*Respicis Apriles, Aries Phryxae! Kalendas.*  
*Majus Agenorei miratur cornua Tauri.*  
*Junius equestres coelo videt ire Laonas.*  
*Solstitio ardentis Cancri fert Julius astrum.*  
*Augustum mensem Leo fervidus igne perurit.*  
*Sidere, Virgo! tuo Bacchum September opimat.*  
*Aequat (et?) October sementis tempora Libra.*  
*Scorpius hibernum praiceps jubet ire Novembrem.*  
*Terminat Arcitenens medio sua signa Decembri.*

Ordo Librorum hic est: IV. *Evangelia. Actus. Epistolae Canonicae*, ubi *Job. I. c. 5.* Testimonium terrestre integrum a prima manu coelesti integro praepositum est. *Apocalypsis. Epistolae Pauli*, quarum quae ad *Colossenses* est, inter *Epistolas ad Timotheum* et *Titum* ponitur, et spuriam ad *Laodicenses* post se trahit. Finem facit *Lectionarium* totius Anni, in quo post omnes Dominicas habetur *Dominica de Trinitate*. Codicem in *Italia* scriptum fuisse arguit *Madius, October.*

*Fol. 158. p. 2. currente Sec. XIV. calamo per 7. columnas continuata, nec tamen finita adjecta est Fabula insignita: Interrogatio iohannis apostoli et evangeliste in cena secreta regis celorum de ordinatione mundi istius et de principe et de adam. Initium tale: Ego Johannes particeps in tribulatione et regno dei ubi essem particeps quia et recumbens in cena super pectus ihesu cristi domini nostri, dixi, domine, quis tradet te. et dominus dixit mihi, qui intinxerit manum in catino et introibit in eum satha-*

*nas, ille tradet me. Et dixi, domine antequam sathanas cecidisset, in qua gloria assistebat apud patrem? Hinc jam somnia impostoris. Inter alia: Diabolus intravit in paradysum et plantavit arundinem in medio paradysi, et de sputo suo fecit serpentem, et precepit ei in arundine manere &c. Meminisset certe impudentis hujus Commentii in *Cod. Apocr. Novi Test. Fabricius*, si vulgo notius foret.*

## LXXIX.

Codex chartaceus boh. Sec. R. 2128 XV. Folior. 318. f. per duas columnas luculente exaratus et rubro enotatus *Novum Testamentum* integrum est e recensione *Martini Lupacii*, de quo *Viro dixi Vol. I. P. 2. col. 2388. et P. 3. col. 2899.* Est haec Recensio, ut me docuit *Cl. Joseph Dobrovius*, emendatior *Exemplo Zierotiniano* hoc *Vol.* relato, sensum difficilioribus in locis phrasi genuina *Bohemica* exprimere studuit, proximeque recensio-nem omnium postremam in *Mss.* praecedat. Post *Apocalypsin* hanc habet

habet miniatam Claufulam: *Tak se skonawa zakon nowy A gest wykladu knieze Martina lupacze wnadiegi bozy wiernebo a swatebo muze y s ginymi pocztivymi a mudrymi kniezimi Budiz bobu chwala nawicky wiekuow Amen.* Quasi dicas: *Sic finitur lex nova, et est interpretationis Sacerdotis Martini Lupacii in spe dei fidelis et sancti Viri et cum aliis bonestis et sapientibus Sacerdotibus. Sit Deo laus in secula seculorum Amen.* Accedit Elenchus Epistolarum et Evangeliorum, in quo Lectiones *Vet. Testamenti* per extensum scriptae sunt. Thecis variorum Possessorum incelebrium commendata sunt Nomina.

## LXXX.

R. 3301 Codex membraneus lat. Sec. VIII. Folior. 127. f. maj. angusto per duas columnas nitide exaratus, rubricis distinctus, initiorum literis quadratis, e quibus C non rotundatum, sed angulatum est, auro, argento, et coloribus speciosus, et optime servatus continet Sacrosancta IV. D. N. J. C. Evangelia nostrae lectionis cum Adparatu, qui edifferendus est. *Incipit Capitulare Evangeliorum De Anni Circulo.* Ita: *In Natale domini ad sanctam mariam. sec. lucam. k III. in illo tempore exiit edictum a cesare augusto. usque pax hominibus bone uoluntatis. Item ad sanctam anastasiam. secd lucam III k. in illo tempore pastores &c.* Sic semper prima et postrema lectionis evangelicae verba adsignantur.

Pro in natale Innocentium legitur Innocentorum. Festum prius S. Agnae dicitur de passione, alterum de natiuitate. Inter Stationes a Septuagesima occurrunt: *In pama-chiis, ad lateranis, in uestine, in suxurio, cui feria VI. majoris hebd. additur: quod est in basilica in hierusalem.* Sabbato ante Palmas Statio ad sanctum petrum quando aelimosina datur. Pascha annotinum collocat Noster post dominicam Octauas pasche et 24<sup>am</sup>. April. Ascensionem Domini *Ascensam* appellat. X. Julii in natale VII. fratrum quatuor Missae ponuntur *uia appia ad sanctum ienuarium, dein uia salaria prima ad aquilonem, secunda ad sanctum alexandrum, denique ad sanctam felicitatem, itidem duae in natale sancti laurentii.* XII. Augusti natalis sancti eupli, de quo Baronius in *Not. ad Martyrol.* XV. ejusd. *Sollemnia de pausatione sanctae mariae.* XXIX. Septembr. est *dedicatio ecclesiae sancti archangeli sine addito.* IX. Octobr. *translatio corporis sancte petronelle,* de qua nihil in *Martyrol. Rom.* sed in *Vita Pauli I. P. R.* apud *Ciaconium T. I. col. 533.* legimus: *Idem quoque in Coemeterio antiquo in sepulchro marmoreo inuenit Corpus B. Petronillae — quod argentea capsula inclusum congregato Clero, uniuersoquo populo Romano ex uia Appia in Vaticanum detulit &c.* Id *Baronii Annales* ad an. DCCLVIII. referunt, unde recenti memoria in *Capitulare nostrum* cooptatum est. Dominicae Adventus ita numerantur: IV. III. II. I. ante Nat. Domini. Has excipi-